

蘇墨軒集



稼墨軒詩集六

瑤臺

十二瑤臺挂碧空，夢迴猶見海雲紅。  
攜來北斗三霄露，散作東皇一夜風。  
豈有瓊英皆璀璨，可知玉樹本菁蔥。  
鸞笙鳳管無消息，惆悵鈞天聽未終。

羣玉峯頭舊往來，相思今隔水雲隈。  
幻如一現優曇鉢，倦比三巡婪尾杯。  
自識心宵成錦繡，人言唾咳是瓊瑰。  
博山鑪在沉香爇，珍重珠簾不忍開。

稼墨軒詩集六

秦簫吹罷鳳猶飛，花能蠲忿栽宜早。  
草是將離種豈肥，啼罷子規春又去。  
熏籠倦倚五銖衣。

星佩霞裾皎月璫，夜深私藝海南香。  
蓬萊未必迷秦帝，雲雨何從誤楚王。  
窈窕碧桃花正放，殷勤青鳥信頻將。  
離心最是蟾宮苦，莫羨姮娥七寶裝。

飲酒

揚子當年賦滑稽，山公曩日唱銅鞮。  
生前妄意千秋重，醉後從知萬物齊。  
自古不聞鵬笑鷄，逢時已忘鶴羣雞。  
春風費盡東皇力，依舊繁英逐草迷。

蘭亭梓澤各成塵，底事韶光照眼新。  
旭日只催桃破笑，



東風不管柳含顰懷鉛事業無今古畫閣功名有幻真  
相屬一杯猶未晚試呼劉阮作比鄰

檢敝篋得江生

慶章

遺文數首感賦

早歲才名並鄴侯珊珊仙骨世無儔佳文恰似風簫過  
慧業曾依月斧修花是優曇難再見珠非象罔更何求  
短檠七載猶堪憶搜得殘編淚欲流

題李芝齡先生使黔集後

長庚遊戲南斗傍葵葉清辭播夜郎何似文昌駐旌節  
竹王草木盡輝光

喜孟塗入都

稼墨軒詩集六

二

薊門風雨客來初五載鄉關恨索居久別壯懷仍磊落  
相逢衰鬢各蕭疎天才超軼無中駟雄辯翻飛有大魚  
莫倚諸侯羣倒屣漢朝金馬待嚴徐

同吳岳青

雲莊

胡小東

方朔

遊法源寺

帝城喧歌管閭巷填輜駟紅塵一萬重焉得常惺惺城  
南有精舍窈窕遺丹青鐘魚雜梵唄衆香羅廣庭招邀  
二三子如夢初能醒海棠四照紅丁香旁溢馨鬱鬱青  
松枝蟠屈蛟螭形循廊縱遠步登臺感萬靈楊李東征  
骨瘞此誰爲銘旦暮生悲風簷端語鐸鈴俯仰各歸去

麗譙昏已星

嗟哉王君行代芝齡先生作

青原山上白雲飛，青原村中烏夜啼。烏啼聽不得，雲飛望不極。下有處士王君，隱居行義之安宅。嗟哉王君，天下無毀齒誦論語，願頰親疾當何如？牙籤戢戢三萬軸，唯有白華華黍之詩。陳座隅北上堂，西入堦奉持杖屨。且徘徊西入階北上堂，瞻依色笑且徜徉。涼風一夜入庭樹，春暉黯黯愁將暮。春暉有盡期，寸心無已時。廬墓讀禮天爲哀，天爲哀下祥瑞。枯桐三尺強鬱鬱，滋生意修綆。汲泉泉不匱，深林逢虎虎不避。嗟哉王君，天下無聲名動大吏爲請。天子旌其間，今時人一何愚妄言。祿養爲歡娛，去家千萬里。定省晨昏虛無違，應愧宣尼書。嗟哉王君，天下無。

一百韻爲少宰錢黼堂先生壽代芝齡先生作

貞會推良輔，清時展大猷。策勛齊內外，頤性自春秋。地望荀陳重，天資賈董優。崑岑輝太璞，麗水毓精鏐。臯氏功同鍊，雕人術共鏤。清恬儲素品，廉耿勵姱修。原憲衣鶉結，馮煖劍蒯緌。千搜金檢錮，三折鐵捥錄。能國無家食，懷材每世求。朝暉翔鷺鷥，秋坂騁驂驪。賦料淵雲愧，詩容沈宋羞。聲名釘座果，文采吉光裘。蓮炬歸三院，蓬壺到十洲。屬車瞻豹尾，珥筆動螭頭。早擅無雙譽，茲稱

第一流雞林傳翰墨象緯燦奎婁未攬陳蕃轡先經廣  
漢郵 詔書頻下鳳使節屢鳴騶事豈虞難監功惟慎  
所諏隨時憑睽矚到處駐軒輜椰子陰虧蔽梅花勢偃  
樛夷歌雜欸乃鳥語聽鉤輈嶺外風霜異關中歲月迢  
長河形繞帶太華影垂旒蜀棧緣雲險巴江入峽幽城  
荒思躍馬山闕笑迎牛兩度南昌郡旋登北固樓岱宗  
青更擷溟澥綠初浮覽勝窮甌粵掄才盡魯鄒淺深隨  
所就朝暮拔其尤秦鏡欣齊照隋珠許競投芹鸞歌噉  
噉苹鹿詠呦呦瑕棄瑜宵掩根培幹乃抽儒林俱有豸  
藝苑孰無鳩時雨惟霖霖和風異飄鷗常懷敦士習餘

稼墨軒詩集六

四

力變民偷物望崇山斗 皇心重礪舟鸞坡承久渥鳳  
閣佇嘉休七制高蘇頌三才軼魏收黃麻暄日下紅藥  
泛牆陬詔領金倉職因紆食貨謀度支今日裕版籍舊  
時稠李絳難爲獻僧孺不受賕五銖規放漢九府法從  
周操術殊輕重程功在益哀司農真不忝少宰本無訛  
徑塞忘迎拒籬開免扞擻從同非郭靳抑倖是裴鞞顛  
一綏羣擾銓三息衆咻蔡椽疇用擻齊瑟漫勞擗屢上  
匡時疏庸期舉國謳豪釐原易析高下未容庾敢以違  
心論翻成繞指柔設齋從令史秉質別薰蕕暫弄銓曹  
榜仍探學海鈞文星依斗輔卿月麗參旂蘇賈名重噪

楊常業再畱 帝恩隆國翰臣意切家箚望闕從依戀  
循陔肯逗遛春暉常有願淑景若爲酬哲嗣多君舉難  
兄羨子由雙鳧都化鳥五馬等連鞦繞膝窺全豹忘機  
狎野鷗烟霞資養悅林壑事夷猶謝巷祥符燕莊濠樂  
並儵擬賡黃綺曲聊侶赤松遊勸學猶荀子儲書過鄴  
侯功逾明夜燭用比饋貧餽媿雅徵邊笥精勤驗范疇  
冰臺香不蝕寒具淨無油做古罍維錦藏真軸尙髣銅  
盤疑柏寢獵碣辨之罕鱗次繁觀趙牆陳博繼歐知音  
來賈鐸矢口謹磨兜毛穎稱良耜陶泓抵沃疇翹軒珍  
號帚臺瓦寶如球今古同千載天人共一漚彌貞松柏

稼墨軒詩集六

五

性羣仰羨期儔在昔逢宗哲當時荷矯揉無奇慙自試  
有美竟誰併微耀祇螢熠輕言類鶯啁安知鍼合芥更  
見汞因鎗猛虞聲無杵洪鑪燄正烜不須憐范叔已幸  
識荊州畫虎成偏易登龍快盡售孫陽堪顧未薛燭待  
磨不但假苓參備難矜沉濯侔崇宣咸意浹施孟豈情  
媿琴慮升堂鼓衣懷入席摠瞻依函丈遠涉歷歲時悠  
屈指頻開表關心遞益籌桃年詳曼倩椿紀問蒙叟飲  
菊甘回齧餐蒲色駐頰五行資蕩擲六氣任盧牟玉杵  
光飛兔銀壺漏滴蚪金搖低舞袖珠串咽歌喉盤薦岐  
峰棗卮傾頓遜榴鶴容怡綵絢麋壽介觥觥杖履胥延

社臺萊並集麻東山須再起 聖主式金甌

同歌堂檇亭遊白雲觀天甯寺

故人此日萃京華覽物城西興更賒閨苑已逢青鳥使  
祇林還駐白牛車金輪湧現三千界玉液霑濡十萬家  
世外不教仙佛住那能芴冕有烟霞

送姚伯山 東之 歸里時新失偶

君今南去覲庭闈長揖燕山匹馬歸客路定緣雞夜舞  
到門忽感雉朝飛閨中縑素論長短堂上肥甘較是非  
早向麟洲求鳳質 帝城春色莫相違

姚价人 維藩 庶常出宰石樓却寄

稼墨軒詩集六

六

十年皇路各馳驅此日聞君墨綬紆地有龍泉誇上駟  
人從鳳閣擁仙臈西河保障今誰倚東壁文章昔自娛  
爲訪土軍舊城跡定知圓處擬彎弧

送胡玉鏹 世琦 庶常出宰費縣

高梧豈必鳳皇棲錦竟爲帽稻作齋舊識文瀾真到海  
新分星野尙交奎蒙山未敢輸茶薜潮水從知禁鮒鮓  
玉署花封無異轍看君名在 御屏題

寄柳州太守楊古心同年

龍城疆域漢潭中巨鎮遙開百粵雄水接牂柯瞻浩渺  
山連嶺嶠想龍從仙踪未遠枰鐫石武略猶存鼓鑄銅

太守行春休種柳垂楊萬樹已揚風

卽事

當門蘭蕙且宜鋤在野荆榛竟未除  
柱後惠文方執法司空城旦更徵書  
憂勞已識傳宵旰揖讓還看徧里閭  
終歲枯樺同俯仰西曹退食愧簪裾

寄石甫平和時校刻阮林詩

林深箐密勢峻嶒勝國兵戈此創懲  
結佩尙餘龔遂續探丸惟憚郅都鷹  
熙朝賦稅原從簡良吏詩書亦可興  
報最期年何太速催科撫字尙皆能

稼墨軒詩集六

七

漫詡鸞皇品最優廷尉可能容結璣  
爰書奚自失吞舟君看案牘經三府  
那用精誠動木囚

燕鴻何事北南分尺素遙傳海畔雲  
早歲結交同望古中宵起舞輒思君  
幾人廊廟懷高躅到處林泉有異勳  
他日歸來頭未白雙溪卜築細論文

相如遺草世猶存風雅焉能仰道尊  
一代薦賢空北海千秋嗣響邁西崑  
雕肝鏤腎愁艱澁倒峽排山駭逐奔  
削劂欲教今日授虎魚須待暇時論

題牧青軒詩集

石作形骸雪作魂休言大嚼過屠門  
寒號堪應孟東野



瘦立能齊劉後邨華袞要當便卉服玉杯可肯溯汗樽  
眼前結習都除盡會與鴻濛共吐吞

燕九

上元已過逢燕九都人相呼城西走兒童壯夫黃髮叟  
嬌女雲茶從阿母蹄蹙輪飛擔且負競往仙宮莫敢後  
仙宮巍巍離塵垢終歲重關巖下牡但聞鐘磬飄林藪  
是日風和水解瀏致醑邱仙沿俗久不問朝卯與夕酉  
到來門開曷用扣門內殿庭分左右青飾牕櫺丹柱料  
雲霞恍惚生戶牖就中正殿尤高厚羅列羣真辨誰某  
飛揚秀發神助助庭前柏間槐榆柳其下羽流交臂肘

稼墨軒詩集六

八

占地兀坐學木偶詫爲眞仙顏弗忸投以一文心領受  
或持赤刀厭哮吼或奏青詞焚科蚪冠笄紛拜男共婦  
願祈人人比仙壽庭設大瓢瘦木剖此瓢曾貯九還否  
不然神物胡爲守門外場寬可十畝趁墟廬至聯曹耦  
珠璣象貝瓊瑤玳筐筥錡礪甄甄剖羊炙牛燂雞狗  
張幕煎茶帷煮酒金錢擲買無不有都盧緣種好身手  
長躡高緹勢峻陡幻人變換六畜首招撥譚諧牀據賤  
陽烏西匿色乍黝蕪來高炬欺星斗巧琢頗黎串珠紐  
繪窮毛族兼羽醜有像桓桓亦赳赳長夜熱中焚炭標  
曰燒秦檜附衆口去來靡定蠅隨帚盤旋不出魚在鬻

此中良苗不勝秀綠憤冶童恣狎狂紅裙妖姬從牽誘  
旁出鼠竊肆翦絡誰何不良忘扞擻舉國皆狂孰爲嚇  
不挽頽俗祛其毒應愧乘軒紆組綬或云戒殺感英后  
邱仙長春宜不朽蚩蚩者氓无譽咎一日之澤義可取  
窯變觀音像在大慈仁寺

畫手絕無吳道子塑工難覓楊惠之西方真面不可見  
昆吾狡獪時能爲尋常三日不絕火器成方長並圍櫛  
資民朝夕利用駭胡爲開窯萬器如死灰髻墜薛暴胥  
難材火精所聚發奇怪大悲尊者從胚胎寶冠峨峨綠  
雲帔白衣偏袒露雙臂左捧金輪右拄頤似欲宣揚第  
一義鸚鵡靜無言楊柳深合翠善財龍女夾座侍彼宜  
巧笑此善睇疑是當年一火成不然薨色難爲類嗚乎  
此事論理殊不經傳之既久姑忘聽六合廣大容或有  
曷不曠觀啓戶扃君不見蟹匡穀稔岩石乳往往具有  
瞿曇形宣武城西尋古刹僕人催歸車載轄梵唄依稀  
已不聞斜陽欲下駝鳴圖

贈鮑覺生侍郎

司空文藻湛清華璧月瓊枝未許誇天半峨眉常積雪  
日邊仙掌欲凌霞元音獨矢卷阿鳳凡響何來坎窞蛙  
東逝狂瀾迴鉅手眼前風雅孰專家

空庭

空庭獨夜蟋蟀吟羅衣掩抑霜華侵西風特送萬家杵  
明月爲傳千里心機上迴文思未就曲中子夜怨何深  
江湖到處愁殢繳鴻雁不來尺素沉

春日書懷示三弟敏之五弟存之

寒食東風雪未消薊門春事尙蕭條樽前兄弟他鄉聚  
夢裏松楸故國遙五老峰頭空自好八公山下漫相招  
江湖魏闕俱難卜目送鷓鴣入絳霄

贈李素園

培業

李子吾同郡幼年殊未知秋風騎款段握手燕山睡今

稼墨軒詩集六

十

世豈易得前修或可期雪飛凌歲暮又去雁門時  
別君忽三載兩奉雁門書相見又今日孤懷仍古初文  
章猶嗚矢富貴亦虛車百世如堪俟期君擅令譽

歙縣吳素江

景湖

蓄謝文節公遺琴書來都中徵

詩寄題二首

謝公琴尙在俯仰動人思嬰杵誰堪託夷齊信可師天  
心方机隍臣節自嶽崎獨有曹娥怨千秋寄軫絲  
延陵好奇古乃得疊山琴幸際咨夔日誰憐扣馬心絃  
之園客繭嶽以雙南金仰和薰風曲高岡鳳在林

有感

成豈交遊與拂題，敗非讎怨事推擠。盈盈隔漢引乾烏，坎坎伐檀殫挈榼。望蜀自難因得隴，懲羹何必笑吹齋。試憑詹尹鑽枯甲，只恐鑽成意轉迷。

一杯以外任青翁，且喜花枝照眼紅。棋欲爭先終是拙，詩求傳後諒非工。無邊好景休疑幻，有限浮名本屬空。小立閒階情已適，不須曾點舞雩風。

寄懷管異之

同

近世幾人堪著作，夷吾江左擅才名。詩騷宋律服唐律，文主單行客偶行。攬勝六朝歸雅詠，起衰八代具深情。嗟余結習仍柔翰，甚欲因風寄品評。

稼墨軒詩集六

十一

贈匡叔

鶴乘軒後愧諧俗，犬舐鼎餘矜厠人。世謬悠姑及合，吾儕磊落忽珠聯。酒邊相示有肝膽，郭外同悲無陌阡。顯晦竹林原一致，山王不詠陋延年。

尺五莊

名園幾度問芳華，避暑今朝又駐車。涼愛水南如水北，香憐荷葉勝荷花。泅童下上鳧翻浪，釣叟參差雁聚沙。歸趁夕陽鞭影疾，到門新月一鉤斜。

送孟塗

我友劉原父，江湖負盛名。驅車今宛洛，倒屣又公卿。

帝閣應巢鳳侯門且致鯖掉頭不肯住珍重別春明

移居

移居喜近長椿寺門外青山望幾層靜撫竹松舒嘯傲  
閒看雀燕盡飛騰晨衙共僕無雙騎夜讀偕兒只一燈  
何事差堪慰岑寂頭衙通國說如冰

雨歇

徹夜砰訇鬪急湍曉來雨歇尙餘寒漏痕滿壁蝸何喜  
霽色懸巢鵲自乾把酒未嫌稱戶小攤書只恨少庭寬  
門前泥淨稀車馬成就先生作冷官

釣魚臺修禊感舊同小東作

稼墨軒詩集六

三

修禊年年在 帝鄉釣魚臺畔足春光遠山積雪全消  
白曲岸垂楊小弄黃村酒醞醕還茗芋舊遊聚散更存  
亡相看惟有長陂水不改潺湲繞苑牆

寄懷植之嶺南

四十年華一瞬過南遊陸賈易蹉跎曾中雲夢遽如許  
皮裏陽秋可若何趙尉城邊空被酒越王臺畔幾悲歌  
陰符應改長生術植之舊注陰符一卷鯨海於今久不波

題畫

蔬圃

野老門依江水澗旁開蔬圃接城陰綠葵紫蓼隨時給

兩甲煙苗一徑深抱甕且羞端木械揮鋤肯顧邴原金  
故人鼎食饒滋味記否春宵剪韭心

麥壠

乳鴉掠影雉媒驕隴畔氤氳氣未消黃有熟時雲自湧  
綠無窮處浪空搖風來餅餌香生鼻月出鉤鐮影在腰  
芒穀裁登秧欲老鄰村泥飲漫相招

茶山

好是江南二月天茶山風暖日暄妍相邀盡在聞雷後  
結伴同來禁火前小摘手如巖筍嫩清歌舌比谷鶯圓  
鞞紋羃臆矜殊品采罷言歸趁晚煙

稼墨軒詩集六

十三

蘭墅

九畹香來迥絕塵藝蘭臭味若爲親騷人結佩遵湘澧  
遊女褰芳涉洧溱清露灑同芝圃潤光風轉自蕙田新  
不須更訪羅含宅暫領微言卽飲醇

荻浦

不成葭菼不成蘆曲港叢汀遠近鋪漁火依微明更滅  
棹歌綿渺有還無雪飛萬點鴻難印霜折一枝蟹與扶  
最是爲郎滯華省清宵有夢返江湖

送歌堂出都

懶學蘇秦十上書拂衣歸去意何如窮途應惜無知己

斜日秋風弔望諸

感賦

開卷常思第一流，舉杯深許望千秋。如何好鬢從霜染，不見高懷計日酬。阿閣迴翔誇瑞鷺，平湖浩蕩任閒鷗。男兒出處須珍重，從古明珠惜暗投。

那肯無心擬拔茅，何曾有意樂懸匏。寂寥三尺功名薄，偃蹇雙輪歲月拋。迴憶某邱兼某水，載占于野更于郊。衢歌封祝堪圖報，客難何須賦解嘲。

元人騶虞圖

有元造邦隆殺運，金丁宋戶銷鋒刃。禡牙所過草木腥，

稼墨軒詩集六

古

豺獠耽耽豺狼奮，畫師腕底獨春風。恍見文囿葭與蓬，白虎黑章爾何物。共道至仁含在胸，圖成似欲陳當宁。九關棧齮夜叉據，兩餌風飄四百秋。豪素深心宛相語，湛然居士起東丹。每以讜論回摧殘，曷不持此寓諷諫。遠待蒼蒼命角端。

戴進畫猿爲李椿田

承端

工部題

怪石俯壑誰敢捫，枯藤挂澗誰敢援。捫石援藤了無懼，惟有飲溪清嘯猿。猿常飲溪必接臂，此獨孑然不愁墜。疑是當年越女師，趨捷由來出其類。玉泉山人筆不同，曾寫漁蓑一品紅。放歸不異猿辭檻，何處營巢安臂童。

風吹枯藤枝裊裊泉鳴怪石音窅窅終年此境無人蹤  
時有山公來木杪我家龍眠已嶙峋君家黃海常氤氳  
何當解組各歸去天寒拾橡隨王孫

稼墨軒詩集六

五



貞女篇 并序

貞女爲涇邑朱封君聘妻封君未娶而卒貞女守志歸其室爲立嗣今六十矣嗣子蘭坡 珩 侍讀徵

同人爲詩余爲賦此篇

女貞無連理葳蕤凌雪霜匏瓜無匹儔三五自輝光相攸得良奧有美才且英十二誦詩書十五能文章十六學擊劍十九精邊防爲人意慷慨一飲連百觥秋風吹戶牖哀怨起清商君乃向黃泉妾未拜姑嫜惇惇寡弱

稼墨軒詩集七

一

質禮教自分明束蒲何青青嘉穀何穰穰雙石何學學五絲何煌煌燦燦朱韋設宛宛繇絮裝黏膠與乾漆一  
一羅妾旁羣言盡捐棄那不摧肝腸未著嫁時襦先洗  
門內妝君生遠君室君歿卽君房夢中維我儀兩髦見  
君長誰言君無妻機杼鳴東廂誰言君無子估畢在中  
堂脊鴿誠急難螺贏遂相將十二誦詩書十五能文章  
二十歌鹿鳴三十登玉堂四十侍講帷皆言啓沃良爲  
人志皎潔一舉覽圓方天書五色來綽楔門間光其內  
飾曾青其外緣竊黃其上書擘窠翁施照路旁來者方  
歎息去者更審詳審詳夫何如積善有餘慶

中夜有所思四首

中夜有所思思踏雙溪路松堤密蔭交石磻清流互樵  
唱入晚烟農耕破宿霧昔有濟時賢投綬於此住自稱  
曰圃翁人稱曰太傅幾輩後來者誰歟得返素

中夜有所思思弄媚筆泉冷然松桂下入耳常涓涓塵  
慮既已滌幽曲或未傳昔有金閨彥寄情於此間摩崖  
書擘窠苔蘚蝕猶全我昔畱信宿歸當重流連

中夜有所思所思在浮渡摩谿會勝開銜銜金谷露六  
六峯競標三三洞各附昔有逃禪客刳灰於此悟手書  
法華經永飭天龍護何當許巖棲鐘魚省朝暮

稼墨軒詩集七

二

中夜有所思所思在白雲連障出天半朱霞曳赤暎綠  
篁沾衣袂青鳥清心魂茲山宮羣山遊屐未紛紜東巖  
完其璞西巖葆其真兩巖不我棄歸來托一椽

述懷

柴門何日返江天種秫欣逢大有年但使深杯澆壘塊  
不須高塚象祁連石蠻左觸形都泯清聖濁賢意最牽  
更欲及茲腰脚健名山重結去來緣

題畫

山已周遭水更灣紅塵飛不到柴關終宵聽瀑心常靜  
竟日看雲意自閒我信此中無俗慮人言世外有仙班

拂衣何用歸滄海擬結茅茨恣往還

贈梅於萬

曾亮

吾友梅君好風格園林雪後見枝枝詩參雙井絕凡語  
文取半山饒雋思往伏江干祇夢逐今來日下已名馳  
會須看躡蓬萊頂玉佩瓊瑤大放詞

上元梅君於萬管君異之與吾邑方君植之皆久  
侍惜抱先生鍾山書院學爲詩古文植之詩舊見  
之里中去歲異之來京師遇於鮑覺生侍郎寓卽  
別去得讀其詩十餘首今乃又得讀於萬詩三君  
之才伯仲間耳其取徑皆孤迥世之淺詞陋義峻

稼墨軒詩集七

三

斥不使干可尙也作二律題於萬詩并識其緣起  
松濤拂澗一千尺竹韻戛牕十二時此境十年懸夢想  
何緣今日誦君詩羞剿甫也剽白也笑肘異之肩植之  
江南繼起仍三鳳一卷涪翁獨汝師

七字哦成妙發端君家詩律重都官近依鍾阜雲霞綯  
迴望宣城橘柚寒小道愧予常砭砭大才如子信槃槃  
早時日下名爭噪賦就何勞序士安

江南榜發孟塗又不遇聞遊黃山畢更入天台却

寄

霓裳不領步虛聲直下天都訪赤城跨鶴情深淹歲月

屠龍技好媿功名故應齊物師蒙叟終望憐才傅賈生  
文字山川徵契合鄉嬛仙犬定相迎

懷蓉山

何來傲骨太峻嶒勁節於今見未曾臥轍縱令如涸鮒  
傍人那肯學飢鷹賢追原憲兼貧病交愧山濤有辟徵  
我亦十年滯華省思君挑盡草堂燈

聞吳理菴讀書浮渡金谷巖却寄

金谷巖前一徑開傳聞勝地隱奇才碧垂洞草侵書帶  
紅照山花入酒杯萬古有心藏月窟百年無夢到雲臺  
匣中舊貯雙龍劍肯使寒鋒盡鏽苔

稼墨軒詩集七

四

家園池上有屋數楹曰片舫齋先六世祖讀書處  
也齋圯十年而諧生不及見矣兒時戲池邊先大  
父爲舉述欄楯門牖所在及室中聯額語重爲告  
曰兒輩異時有財卽別買他舍慎勿忘葺此數椽  
回憶此語又逾三十年矣偷食太倉飢如臣朔弟  
輩亦餬口四方數椽重葺不知何時矧望別買他  
舍邪枕上不寐率成二律

聞道臨池有片舫長年不繫不風湍愁來待鼓靈均櫂  
興到疑投尙父竿如馬如牛灑灑瀕險吞雲吞夢洞庭寬  
何當方寸無驚恐目送飛花點細瀾

瞥眼韶華不可留蘭亭梓澤總荒邱風前蛺蝶難同夢  
雨裏芭蕉工說愁安得數弓重拓地依然片舫穩乘流  
濟川當代饒舟楫徑欲歸來趁黑頭

奉和廖韻樓敦行曹長對雪元韻

夜疑松竹響牕扉曉驚堦砌白玉圍漫空翻舞自爲態  
登高遠近交流輝白鶴翔來羽盡隱玉龍戰退鱗全飛  
兒童奮迅何太喜擬築狻猊量瘦肥

冷官無事屋廬深用東坡句况乃居鄰祇樹林性懶宜存出

世想才疎敢抱濟時心兆豐已見呈奇瑞退食何妨惜  
寸陰試聽仙郎白雪唱和來幾許費沉吟

稼墨軒詩集七

五

戲書寓齋

不識樛蒲不愛棊冷官何事最相宜簿書偷得些些暇

一卷龜堂老子詩

鰕生懷抱本區區舉世爭且不須但願名山都許到

一峯頭上一傾壺

書山谷集後

天下幾人學杜甫用東坡句玉溪而後有涪翁千秋在逐邯

鄲步此老猶存兀冪風南渡文章才就弱西江宗派論

非公當年頗愛陳無已香與南豐一瓣同

代蕩子妻

往歲飛花又滿枝去年雛燕更銜泥眼前花鳥尋常景  
最是關心蕩子妻

代蕩子

歲歲年年西更東下如流梗上飄蓬聞人莫恨無消息  
消息何堪托雁鴻

早秋懷人

飄零雁影杳難分斷續蟬聲晚更聞池面殘荷猶蓋雨  
樓頭新月忽梳雲深杯乍引難辭醉幽篆頻添不厭熏  
葉落玉階秋又到可堪天末悵離羣

四十

稼墨軒詩集七

六

四十霜華欲滿頭百年身世尚悠悠功名愧比初弦月  
問學慙如上瀨舟死友同心還入夢飛花過眼莫添愁  
雲生膚寸終須合霖雨何時遍溼陬

三星

木精漢殿已稱臣金緯唐家侍從親水火空明土厚重  
三星畱作後來人

立春前一日偕董琴涵

國華

編修熊介臣

一本刑

部王可愚

若闕

戶部潘芸閣

錫恩

侍讀集羅子信

尹孚

編修寓

四座縱橫孰主賓九流顛倒會精神也知墨翟爲才士

謬許臧孫是聖人公子憑虛情更切先生烏有意偏親  
高譚一夕非無補萬木郊原盡返春

詠史詩并序

謝蘊山中丞曹儷笙相國舊皆有詠史長律近鮑

覺生侍郎王楷堂廷紹刑部亦各爲數百首奇思

方溢雋論絡生選事考辭飛聲振色洋洋乎美矣

盛矣昔楊鐵崖作新樂府以詠史弇州亟稱之以

爲天壤間自成一種文字然其繁簡疾徐消長進

退罔不因心未有形格勢禁如長律之難爲者也

余才思孱劣又以簿書堆案博遠不能謹和數章

稼墨軒詩集七

七

姑塞鮑王兩先生之意異時獲間願終爲之

始皇

秦地關河百二重輻輳歸去忽傳烽宮中鹿已迷臣馬  
道上蛇真哭祖龍蓬島不迎天子使桃花先避大夫封  
羨門高誓知何往化作與朝石與松

項羽

苗裔神明曠代逢雙瞳今古幾人重功依卿子知難立  
情向虞兮本易鍾百戰已完三戶恨一身猶化五侯封  
直教本紀先高呂大筆雄才兩不庸

范增

鴻門不覩劍光紅何異推來博浪空未授秘書圯上老  
定傳奇計楚南公果然三戶讎能復可奈千金間忽通  
背鯁形容殊婦女衰年多事起江東

韓信

將兵將將本無妨何事猜嫌起漢皇趙壁已驚來假使  
齊廷尙喜得真王天教神鼎能全據人歎良弓不早藏  
畢竟暮年思猛士大風歌罷意蒼涼

曹參

文終約束懿侯遵四海相安化若神丞相閉門不事事  
先生開說自人人兒歸有犯難辭杖客至無言但飲醇

稼墨軒詩集七

八

從古紛更皆誤國益公堂畔草恒春

周亞夫

兵機神速走藍田營壘還看細柳堅皇帝不容馳入壁  
將軍偏許下從天相無縱理能三咽更有深文到九泉  
鞅鞅韓侯同抱恨未蒙菹醢主恩偏

蘇武

節旄落盡臥穹廬肯信人生果露如海上應無羝作乳  
禁中忽有雁傳書名王自昔懷弓繳胡婦從今怨比疎  
見匈奴傳辨最是故人難話別河梁握手淚盈裾  
髮之飾也

班超



等是邊庭奉漢威  
義陽博望績猶微  
王侯涕泣求依倚  
城郭馳驅供指揮  
虜已斷頭巫已滅  
虎真食肉燕真飛  
多情只愧核中監  
關外臙脂載不歸

袁安

青鳥此日未傳經  
已有書生說地形  
可是三公占吉壤  
遂教四世翊明廷  
洛城早臥當門雪  
楚獄曾空貫索星  
餘慶自緣陰德起  
山川能語果誰聽

郭太

八尺儀容信偉然  
往來郡國總翩翩  
雨中巾折傳爲俗  
河上舟迴望若仙  
乾象夜窺知進退  
人倫日負異周旋

稼墨軒詩集七

九

碑文似此纔無愧  
較量平生得幾篇

題黃嘯村

文炳  
行看

蘇門仙人不可尋  
鸞飄鳳泊失奇音  
惟君灑落風塵外  
契我寂寥山水心  
未必踏鼇豪自許  
豈容食雁語相侵  
此圖息壤須同記  
歸嘯異時明月岑

胙篋

胙篋如何轉借資  
安危西北係邊陲  
無私幾見心存國  
有道曾聞守在夷  
五兩半通猶可恕  
高牙大纛信難辭  
汝曹莫倚庸庸福  
從古天高聽亦卑

搔首

搔首何由誤馬曹青雲悵望九闈高送人作郡情偏冷  
與古爲徒意故豪早歲夢吞韓愈篆深宵醉看呂虔刀  
何當縱獵天山外兩角鷹隨四尺獒

孟塗書來寄游浙東諸詩并有浮山懷栗原之作

賦此爲答

南雁傳來覽勝篇故人豪逸更無前山中朝飲瓊爲醴  
海上春遊鐵作船仙佛有緣憑去住江湖何事恨迤邐  
武林我亦畱題詠輸爾才雄氣萬千

夫君別去又三載檢點身心略可酬日向情田澆善種  
時從宦海泛虛舟升沈不假圓著問黑白聊隨方罫求

稼墨軒詩集七

十

浮渡有靈應恕我移文未必遠相投

石甫以漳紗水晶小印見寄作此奉酬

故人遠颺意悠悠錦繡琅玕詠四愁已疊鳳文羅颯纒  
更摩螭篆玉雕鏤貫穿千古心相印衣被當時業共謀  
輸爾一官能自好惠風先播海南陬

昔人詩云相逢盡道休官去林下何曾見一人士

大夫膺情華臚抗論林泉蓋陋習也余昔在里中

與蓉山孟塗諸子言志輒舉昔人一邱一壑之言

自况諸子亦過許之繼以饑驅及門戶計遂忝科

名通仕籍忽忽於今十年矣邱壑之意不能時忘

平生已涉之境重尋之於默想其未涉者如貪夫  
之懷寶藏竊竊然計其中之可欲無涯也顧矚不  
敢以語人恐蒙盡道休官之誚茲孟塗書來極言  
歷遊浙東山水強半皆余未涉之境私心振觸不  
能自己因念前哲有閑情之篇訂頑砭愚之作遂  
賦長句以自矯

男兒天與好才華況值車書共一家夢裏尙應懷竹帛  
樽前且莫憶煙霞科名夙忝庸非遇律令粗知亦許誇  
爲語竹林舊同學巨源終始本無瑕

敏之存之兩弟在京分應春秋試醉後感賦

稼墨軒詩集七

十一

十載青雲愧早登讀書讀律果誰勝未除豪氣猶馳酒  
漸化名心喜遇僧方朔豈能辭客難河東幸繼應賓興  
汝曹努力當平世五嶽從吾拄赤藤

飲酒三首

欲謝高陽舊酒徒奈聞野鳥勸提壺春能及物偏遲我  
霜已緣顛暫避鬚懶學神仙餐玉液羞言仕宦作金吾  
古人細數誰堪羨狂客歸來賜鑑湖

且爲黃鸝進一卮漫誇白鳳吐微詞早年讀史輕文苑  
深夜看星識酒旗南郭濫竿空有恨東方執戟敢言卑  
浮花浪蕊紛無數採得天香蝶未知

大美由來不可兼世人那信取傷廉黃金爭向生前聚  
白髮難從死後添省識日盈還月仄漫勞鵠浴與烏黔  
甕頭酒熟君須醉醉看春花白舞檐

睡起

人事悠悠不可知升沉雲水會相期舍魚何處求熊掌  
蒙馬空勞用虎皮豪末自明薪自暗靈椿爲速菌爲遲  
午牕睡起無思慮笑謝長龜並短著

赴香山憇路旁某氏園

亭榭逶迤映綠楊停鞭一爲詠滄浪鶴來松徑形逾古  
魚在蓮池夢亦香咫尺塵囂飛不到尋常車馬去何忙

稼墨軒詩集七

十一

莫嫌小憩緣猶淺無限樓臺空夕陽

酬管異之見贈之作卽送其出都

九萬扶搖不可期大鵬六月息飛時中人未得休言仕  
故我難忘且賦詩千里乍投青玉案十年深愧白雲司  
導旄擁騎終何補只合滄江作釣師

聞君師事歐陽子文筆縱橫世莫儔此日同心餘幾輩  
異時相望各千秋奇勳不盡圖麟閣真氣何須結蜃樓  
徑拂白衣滄海去燕山回首暮雲浮

松湘浦相國書虎字歌

世傳其字能辟邪魅

我公立朝稱殿虎人見我公殊媚斌我公居塞爲虎臣

人服我公柔羌渾酒酣神威起胷次狂呼疾走書虎字  
滿堂動色風蕭蕭恍惚山君隨筆至畫虎空傳虎之形  
獠虎空擅虎之名不如攘臂一揮幅三丈虎之精神意  
氣都從八法生書罷真堪臥鳳闕看罷還疑動參伐懸  
之茶壘且不前何況水蛾山魃么磨物吁嗟乎希夷福  
壽徒焜煌天師罡斗亦尋常惟有晦翁所書孝弟忠信  
禮義廉恥字上爭日月星河光人心邪慝胥攝藏我公  
此字其頡頏

龍瓜槐在陶然亭西北一小寺內畧似槐體其枝  
幹頗具騰拏之勢名爲龍瓜不虛也寺傍一樓堪

稼墨軒詩集七

十三

遠眺爲覺生侍郎再爲翰林學士所建戲作龍瓜  
槐歌呈學士

東坡賦詩稱槐龍或疑坡語失形容豈知南柯有異派  
排雲攫雨追奇蹤東家纔如兔目視西家纔如鼠耳聾  
森然忽作鱗之而直與長松矜瓜指三年一度眎花黃  
探得驪珠不用忙迴憶舊時遭黜額冷淘滋味最難嘗  
守宮命名同蜥蜴那不具體學騰擲郎中休道甲辰雌  
生意婆娑良可惜宣武城南恣遊覽幽寺入門花木揜  
中有此槐見未曾舉手欲攀懾不敢僧言寺僻遊人稀  
近邀學士停驂駢玉帶未容留璀璨佛樓却與建崔巍

從此遊人不辭遠登樓常看翠微晚願因學士祝此槐  
更加三公一命袞

清明書懷

春光如許豈容悲潦倒郎官又一時故國松楸勞夢想  
帝城車馬劇奔馳趨衙日日借騾僕上塚年年愧馬醫  
酒注偏提柑載榼龍眠舊侶好追隨

當年

當年曾到紫煙霄戲挽飛虹作彩橋玉水三千鷗浩蕩  
琪花一萬蝶逍遙井公六博都成雉星女投壺每得驍  
忽墮塵寰經幾劫夢中仙侶倘相邀

稼墨軒詩集七

十四

富春行送孫雲本嚴同年宰桐廬

富春有水寒且清我昔泛之觀仙瀛富春有山秀而逸  
我昔登之攬於越山川靈淑必鍾人漢唐傳者多隱淪  
先生補脣恣歌嘯故人加足移星辰孫郎本是金陵彥  
利器藏身經百鍊政餘想見事幽尋山容水態開生面  
夔龍事業重山邱中天何用學巢由憑君寄語沈冥子  
聖人在上可以仕

答人問詩

詩人寫景元餘事寫景能工亦可娛追繫物情無遁所  
化工爲友畫工奴

寄懷孟塗

山初醜面水生鱗桃欲言歡柳放顰忽憶故人歸故里  
可無新釀對新春青黃竟飾溝中斷犖确容參席上珍  
應笑祖生鞭易著汪汪叔度自天民

寄懷劉金門先生

當年才俊滿江東珊瑚網全收一氣中勺水總知歸大海  
萬花何以報春風朝端夙望宜槐列世外遐心肯桂叢  
聖主不須賢左右鋒車先戒免匆匆

不寐書懷

破牖燈昏月影低餘寒春夜尙淒淒百年事業終何補

稼墨軒詩集七

五

一日言談故可稽夢短難成莊叟蝶時平易忽祖生雞  
兒孱女弱兼妻病尙望他時共把犁

懷石甫

才名久著仕宜諧底事年來與世乖政坐媿嬰輸若輩  
故應卓犖冠吾儕鄭僑往事皆遺愛阮籍新詩總詠懷  
莫便拂衣甘瓠落天門詆蕩仰瓊階

辛巳九月順天關中芝齡先生命題菊花卷

小草曾經付藥籠十年披拂荷春風開縑瞥見霜枝滿  
珍重寒香托魏公

消寒會分詠嚴子陵釣臺

婦翁成仙友作帝煙水一竿別有意倘求富貴倘求仙  
未免隨人作生計巨君鯨鯢已就封餘盡蜺蝦羞釣筒  
一竿下垂二百載引起南陽高臥龍

哭孟塗四十韻

搔首天難問斯人竟告哀凌晨音忽到昨夜夢還來落  
度違軒冕優游尙草萊更教傷短命安用畀奇才憶昔  
交遊早同歌山水隈羣賢相繼續盛業各崔嵬論史短  
長擅談經漢宋該高文追賈董餘力肄鄒枚時破公孫  
辯聊參曼倩詠升沈俄判矣南北遠懷哉未料終遺鷹  
方期暫始隗十年嗟伏櫪幾輩愧登臺廊廟情無限江

稼墨軒詩集七

六

湖譽共推名卿爭倒屣上客獨銜杯東攬三吳盡南遊  
百粵開行蹤皆倣儻文筆遂雄恢旁礴瞻崧華光芒燭

斗台允宜五鳳造誰遣萬牛回秉德非畸士遭時等散

材仙班疑自證疾豎莫爲灾

君以辛巳閏七月十一日卒于亳州佛寺是夕自外

飲歸忽病腹命僕視庭

丙歲來京國深宵發舊醅高談

仍絕出壯志未全灰此際容升苙猶將賦標梅可無鵬

奮迅重歎驥虺隤魚目羣邀賞蛾眉競起猜荒途塵漠

漠寒日雪濯濯別意誠難已歸心本易催早知隨浩蕩

悔不使徘徊有母年垂耄諸孤齒盡孩苟多命駕知

管孰分財舊誼曾懸日遺文詎掩埃跡雖占艮趾感定



切咸勝藉合拔闡棘甯虛致鼎槐黔黎被霖雨下上協  
風雷竟鬱青雲器徒爲白屋魁九原知映澈千載許  
陪寂寞官難改飛騰意亦摧看人成令僕學古恥輿儻  
敦勉書頻至踈慵答未裁今茲尋警欬空恨泣瓊瑰

稼墨軒詩集七

七

稼墨軒詩集八

桐城光聰諧立元

樓桑村

桑葢童童事有無  
炎精三耀不容誣  
歌風難繼中陽里  
惟看成都八百株

重過呂翁祠時偕姜石芙堅編修赴貴州典試

邯鄲曾是過人來  
畢竟仙凡孰幻真  
此日盧生初入夢  
黃梁未漸且抽薪  
暫駐星輶一問津  
白荷花放水無塵  
與君同借仙翁枕  
成就黔南夢裏人

稼墨軒詩集八

一

磁州道中

稻畦遠近散春鋤  
澄水分來溜決渠  
頓覺灑然鼻觀好  
藕花香裏度肩輿

扁鵲墓

殺身以仁術此理吾問天  
傷哉漢華陀一坏猶渺然

過衛輝

衛河官柳尙森森  
返照城頭起夕陰  
汲冢定餘蝌蚪字  
蘇門誰嗣鳳鸞音  
濱河地瘠良苗短  
入夏霖多野潦深  
七族殷民疑有裔  
當年尼父費沈吟

望蘇門山懷邵康節孫鍾元兩先生

蘇門疑在望，緬想百門泉。代有隱君子，高風殊邈然。宗傳開後學，圖畫闡先天。異世猶相感，如遊杖履邊。

過鄭州

壞塔出林杪，如帆水上馳。牛車聞替戾，雉堞隱參差。欲訪令公墓，難尋僕射陂。宗仁不可作，盛德尙堪師。

穎考叔廟

見食能懷鬻子恩，黃泉何惜誓猶存。我來穎谷瞻祠宇，腸斷慈烏繞樹喧。

過裕州光武廟

廟內有泉曰扳倒井，相傳光武過此，扳石得泉以濟軍。左有精室三

楹，道士克敬藝花木甚盛。

稼墨軒詩集八

二

一勺靈泉傳軼事，滿庭幽卉闢仙關。仙人龍種固不測，道士鶴儀殊自閒。竹影搖牆風細細，苔痕緣砌雨斑斑。竭來那便懷千古，祇挹清泠洗客顏。

襄陽

並稱龍鳳矜冠冕，曩季人才盛此邦。我讀襄陽耆舊傳，高風尤愛鹿門龐。

習家池廢只斜曛，劉氏臺傾空暮雲。終古不隨陵谷改，

羊公名德杜公勛。

秦嶺畚田次第開，漢川盛漲挾沙來。襄陽此日詢耆舊，

多恐難居上下涸。

大堤堤上草萋萋  
估客帆檣隔岸齊  
一自山公移鎮後  
更無人唱白銅鞮

明見七衡終蔽曉  
智周六合轉遺身  
儒書大氏皆徒讀  
愧向襄陽詣半人

北闕辭疑怨不勝  
南山歸想忿填膺  
傲廬若使眞忘世  
感疾如何似范增

擊櫂中流暮色開  
微颺不動水波洄  
大星一點綠隄出  
疑是神姝解佩來

三閭大夫廟

史遷作傳論尤公  
賈傳投書怨本同  
從古蛾眉困謠詠

稼墨軒詩集八

三

至今香草乞童蒙  
我來沅澧搴蘭芷  
夜讀離騷泣雨風  
差勝前賢祇遭際  
愧將詞賦詡雕蟲

楚中懷古

興廢何關樂與哀  
楚中名勝且徘徊  
欲尋郢雪今無曲  
聞道章華舊有臺  
地闢沅湘流霸氣  
天生蘭茝誘騷才  
揚塵未便愁車馬  
快意雄風取次來

前有三閭後賈生  
楚南懷古不勝情  
澧蘭沅芷馨相接  
日日離騷卷裏行

清化驛遇亡友胡淡泉丈嗣子某貽丈手錄里中  
諸先輩詩文數冊感賦

小友當年辱德公春花秋月幾番同生枯管愛縱橫下  
賢聖杯緣感慨中別後年光如轉轂起來書畫散飄風  
黔陽使館方懷舊收得殘篇意不窮

武陵

溪影嵐光下上蒸紫旂黃稻熟連陞人生縱使當平世  
也合移家住武陵

細雨辟塵隨意灑涼風驅暑稱心吹前邨蠻笛鳴鳴起  
似唱劉家舊竹枝

三神山遠阻洪濤秦帝東巡枉自勞洞口桃花應發笑  
眼前仙境讓逋逃

稼墨軒詩集八

四

桃源不識卯金刀常恨秦眞萬世豪打槩問來爲說破  
此漁功並項劉高

鷄鳴處處紫煙蒸犬吠村村瑞靄凝信有人間勝天上  
不須舐鼎學飛昇

有緣才許証仙班枉向丹頭論大還不見瞿童冲舉去  
黃師猶自滯人間

早發鄭家驛是日肩輿加用繻

簷溜聽無滴凌晨闢館關溼珠猶綴草晴絮已披山百  
尺牽椽纜雙行引鐵環宛如舟入蜀邪許萬峯間

馬底驛

肩輿看山無停蹤一日過盡千芙蓉江瑤雖美不細嚼  
味安能得腹徒充今朝午歇馬底驛新秋薦爽吹涼風  
脫冠披襟盥櫛罷開牕瞥見青濛濛峯妍石醜態不一  
獸爲審顧嗟神工天女散花髮抹額朝官趨闕笏正胷  
筍立千尋聳奇峭屏開九疊穿玲瓏跼如孤鷹斂霜翻  
奔如萬馬齊風驟連如接臂飲猿狖離如據掌蹲獅熊  
回顧晨朝所來徑依微若綫沒莽叢前代德化未漸被  
溪蠻盤瓠勞遠攻穿岸爲室避炎暑壺頭困倒矍鑠翁  
皇圖今茲本無外日月所贖開恒雱縱有梟獍思竊  
據大軍斬刈如蒿蓬百餘年來置郵設平平蕩蕩歌山  
中嗚乎平平蕩蕩歌山中得不仰思 恩湛濃

辰沉道中

肩輿何事苦耽吟竟日山顛更水潯雲擘兜羅驚幻相  
灘鳴摘阮賦奇音源如可溯情無極峯不知名契更深  
椎髻也聞歌歲有欲憑鞦屨譜南任

賦水車

雙規重置牙輻全繞牙竹齒推排聯斜比渴烏飲長川  
持以長軸牢且堅下挹上注木規傳由橫達縱吠滄宣  
縱規遠駕橋穹然百步之外驚飛泉枯槁不設肩斗懸  
能令磽确成良田我昔江右覩最先臨灘架屋春種秬

爾時墨守漢陰詮作詩非笑機事便今思舊義殊未全  
智創巧述昔所賢師螿作網魚作船以前民用胡可捐  
願持此車教普天萬億及秭歌豐年癡龍不待起雷鞭  
遊鎮遠青龍洞贈凌謙齋 奉交 太守  
絕構依巖額幽尋散客眸兩城分萬瓦一水繞千舟地  
縮荆滇軸租輸峒寨曾竭來聞善政因見古賢侯

飛雲巖

一邱一壑聳嶙峋非煙非霧飄輪囷石耶雲耶誰幻真  
我謂石乃雲之根雲結奇峯尙可捫是石與雲本不分  
萬年巖竇乳沄沄罡風吹盪成螺紋此中疑有豐隆魂  
兜羅妙鬢妍可欣白衣蒼狗變何紛大海蕩蕩騰鵬鯤  
如幢如蓋如車輻徑欲乘之謁帝闈羅施雖遠 聖化  
甄光耀蒙昧開狃獠宜有秀穎超其羣何況此山能降  
神學爲慶裔捧日輪蒸蒸蔚起觀人文

黔南道中書所見

頑雲臥谷不上天朝暎激射鋪紅綿十步近前可攬結  
又被巖風吹一邊

一重雲結一重山一重山掩一重關山形峻絕關形阻  
穩躡浮雲恣往還

時逢熊館倚山陲時踏魚梁渡水湄斥堠山中偏絡繹

纔聞舉礮又吹蠶

隄然路絕一峰青石上開關倩五丁馬不並蹄人累迹  
恍疑北度太行陁

萬峰相送萬峰迎峰頂峰腰曲折行偶有平田三四頃  
田中猶蠹小崢嶸

瀑懸堇父勇登布石臥初平幻叱羊樹頂露帘知酒舍  
溪頭椽杙認漁航

沿山石洞各呈形如牖如廊如殿庭木魅山魃知幾許  
夜深來往不容局

舊聞二酉有藏書頗似靈威山隱居岫沓巖重不可到

稼墨軒詩集八

七

林端時見彩雲舒

龍瓜崖邊光燭天芙蓉箭鏃玉床連不須爲令乞勾漏

此地丹砂可作仙

一徑回環惟破碧三坡宛轉不分青前坡歌唱後坡答  
行到中坡前後聽

兩山之間強作田田塍層疊梯枕然陂池塘堰俱難設  
却有長流山頂泉

昇來木斗大于箱稻把對撲聲琅琅莫羨農家有碌碡  
門無隙地可安場

裝成椎髻語侏離一樣芸田一樣籽似爲乘輅人致肅



大家齊立手同垂

崖斷橋橫俯碧川下如繩井上梯天阿誰署作響琴峽  
便有泉聲學七弦

闡中作

羅施疆域總崔巍文學天教 盛世開桐蘊好音思遇

蔡劍含奇氣待逢雷虎皮未遽蒙羊質魚目何嫌混蚌

胎前哲左遷猶設教

謂陽明先生

况持使節日邊來

黔靈山外日斜暉玉尺樓頭倚暮雲但使扶輪歸大雅  
未妨絕域有雄文鼓三縱竭容驂乘札七能穿許冠軍  
鶴立青袍人幾許劇憐落紙太紛紛

稼墨軒詩集八

八

贈何童子

童子年甫舞勺能誦十三經尤晰爾雅名物書學

歐陽率更頗具嚴整爲竹居

金

署方伯之孫

珊珊仙骨憶前身福慧由來種夙因博物豹文能辨麤  
工書鳳尾合償麟穉松已具凌雲氣良璞知爲待聘珍  
願附老蒼交此日却同羣紀倍相親

何竹居署方伯景福泉

謙

廉訪設素食約同石莧

遊螺山扶風寺坐有糜閩峰

奇瑜

署中丞錢伯瑜

寶琛學使吳臥樓

書城

觀察

扶風傳古寺結構在山陲天竺飛靈鷲羅施湧巨蠡依

巖周作檻傍砌滙爲池冠蓋攀追地誰興叔子思  
浮蠹休斟醪炮狎莫命珍暫爲茶果會同忘宰官身室  
白舒懷曠楓丹照眼新人天無去任分袂豈沾巾

由貴陽至平越

巨靈高掌遠莫躡夸娥大力誠罔通一徑螺旋更蝟附  
兩度指西還向東黃雲昔彌澗底穀赤幟今豎洞口楓  
嗟哉 皇風汜無際鬼方永與車書同

遊牟珠洞二十四韻

黔山外無秀有美盡藏中不謁冥搜力焉知造物功牟  
珠傳古洞道左闢幽叢始藉天光白旋憑炬火紅詠奇

稼墨軒詩集八

九

張萬景變幻駭羣衷已眩離朱目還突晉曠聽音摹鐘  
鼓磬形擬象獅熊寶現層層塔春彌六六宮建章營未  
廣阿育造難工往者龍蠅窟難邀屐齒通榛芟開窈窕  
泉洗出玲瓏到此塵懷滌都緣石乳融磴攀迷上下壁  
轉混西東敢憚厓摩頂聊隨嶂偃躬每循途偏仄時獲  
境穹窿闕寂無聲到谿衍有氣充搜奇方掖隸狎險屢  
訶僮塹訝千尋阻濤驚萬派雄垂紳廬岳瀑脫箭呂梁  
洪乍可觀崖略何能究始終仙源嗟杳杳遊興惜匆匆  
林屋幽深似仇池詰曲同乘輅來暑雨歸路值秋風繼  
跡知誰氏題詩認雪鴻

諸葛洞

典點試還向至鎮遠始登舟余至施秉卽用小舟由此行遂窮其勝洞凡三相距各

里許皆大石亘水中前明郭公子章本朝張公廣泗皆常鑿之不能盡

肩輿日日困厓巔駕得扁舟意渺然三洞白濤幽險地  
四山紅樹晚秋天溯游已幸從今我疏鑿還思繼昔賢  
丞相威名應到此祠堂終古枕江邊

卽目

雷霆轟石猛屏幃蔽船低山勢疑三峽江流注五溪時  
逢輕鷁上初聽野猿啼杳杳千岩畔飛泉百道齊

自鎮遠舟行至常德

峴柯直下五溪遙石轉灘迴境寂寥照眼白波寒鼎鼎

稼墨軒詩集八

十

打頭黃葉冷蕭蕭劍藏石罅疑干斗船繫山罨欲趁潮  
才劣愧無風土記漫吟短句雜風謠

劍船二事皆舟行所見

沅江舟中讀亡友阮林詩愴然感賦

骨朽從知心不灰如何夢未與徘徊每當山水瓌奇處  
輒憶風雲變幻才此日滔滔悲逝者予懷渺渺曷歸哉  
扁舟一詠元暉句泉石相吞似激哀

再宿順林驛

昔來鬱鬱雲蒸牖今過蕭蕭霜掩關殘柳向人猶旖旎  
寒泉經夕更潺湲曩時獷俗稱三楚昭代儒風被百  
蠻採罷輶軒歸底急爲陳歲稔慰天顏

道光三年吾邑大水鄉人來言湯家溝分司王君  
撫卹之美繪圖徵詩因題寄

癸歲吾鄉水封章大吏聞其魚嗟父老集雁感神君豈  
以功名薄而忘撫字勤嗇夫有遺愛應繼漢臣勳

與吳蘭雪 嵩梁 中翰論詩

詩人底事苦雕鏤藝也終當與道謀縱謝鉛華歸澹泊  
略無懷抱卽俳優李唐趙宋時原異律句歌行體不侔  
一以貫之能曰唯請君自在棹中流

雖然根本在胷中人事天機互有窮格欲稱心裁始密  
句從無意得尤工韓蘇博大休嫌雜白陸頽唐亦自雄

稼墨軒詩集八

十一

譬彼千燈同一燄各誇龍鳳鬪獅熊

王甥

騰駢

應北闈試依余寓室三年於世人所營

舉業之事遇之泊如暇日輒就厥肆觀書多方購  
致然實貧乏無資往往丐歸手錄久之遂盈篋笥  
余既嘉其意趣且懼其重戾於時也因示以口號

二首

早歲曾思擁百城廿年京國誤虛名典衣見爾收遺籍  
轉愧牢之不似甥

六六筭簧亦舊傳只宜兼習不宜捐齊王門內終須入  
未可徒操五十弦

送樗亭之任壽昌

聞子遊跡滿會稽今來捧檄會稽西山盤疊嶂趨梅嶺  
水滙雙流出艾溪心曠轉能勤撫字政成何用廢攀躋  
書登上考等常耳簿領煙霞福莫齊

寄石甫

顛毛同此白勛業各如何脫劍今誰示當杯昔共歌早  
年從磊落中路竟蹉跎欲返桑榆馭陽關尙有戈

題蘭雪再生小草

聞道毘耶居士疾總緣癡愛不容兼閉門花事一春盡  
伏枕詩情十倍添肝腎那須愁剗鉢膏盲幾欲誤鍼砭

稼墨軒詩集八

十一

尊生從此憑吟卷會取天雷勿藥占

蘭雪舊有如夫人者一人聞今春更納一姬戲呈

七律一章卽和病起述懷元韻

富貴無難一映輕最難拋去是多情虞兮畢竟能甘死  
甫也何堪不瘦生世事總歸河朔飲人言誰重汝南評  
櫻桃楊柳栽須並肯使香山獨擅名

蘭雪和詩言兩姬皆納有年矣病中賴其何應未

能遣去更呈一律補過

頭腦冬烘聽不真况憑塗說更無因但知小婦從中婦  
那識新人是故人轉以青鸞傳信舛賺來白鳳吐詞馴

維摩示疾文殊問一笑同參丈室春

花燭詞爲石芙編修作

石芙以巳卯吉士習 國書散館第一時尙未娶

壬午典貴州試返妻家送女至京始成禮云

衆仙同詠大羅時別取蓬山第一枝爲習迴鸞驚鳳字

屢愆織女渡河期

盛事詞林舊日存金蓮撒炬喜初婚從無奉使皇華後

百兩如雲始到門

妙有新詞託斧柯不嫌無物締絲蘿温家鏡與裴家杵

較遜量才玉尺多

稼墨軒詩集八

三

人間粉黛漫紛紛家學傳來習典墳

君受業婦翁夫人亦克承家學

十八賢紗幔外

貴州正榜四十一人副榜八人

一齊低首拜宣文

送馬西園

毓林

郎中出守雲南

雲司剖竹望南天熊軾朱轡路八千蒙詔久歸唐版籍

苴蘭不繫漢樓船於今尉候知沿徼從古循良重守邊

莫向昆明詢浩劫君家銅柱尙巍然

汪孟慈

喜孫

同年屬題信貞婦柳蟬便面貞婦爲

孟慈尊翁容甫先生表姑曾爲之序贊云

貞婦歌黃鵠聊親翰墨緣一枝零露早兩鬢得秋先寓

物何堪此凝愁尙儼然千秋知不泯中壘有名篇

題小東左右修竹圖

屋前溪灣環屋後嶂重複中有人讀書左右萬修竹風  
來簞迭奏雨過鬢並沐縈拂綠沾袂顧眄青留目有斐  
宜興歌風期似淇澳

稼墨軒詩集八

十四

稼墨軒詩集九

桐城光聰諧立元

江陵八觀 并序

昔東坡在鳳翔作八觀詩記可觀者八事皆跬步可至以告欲觀而不知者余來江陵亦得息壤諸蹟可觀者適符八數相距皆不越數里因效東坡之意各記以詩似於政教風化有關不但爲好事者之遊觀已也惟詞致鄙拙不足追躡前人是可愧爾

息壤

在南門外西偏禹王廟內舊說鯀竊帝之息壤以湮洪水又云息壤是一石狀與江

稼墨軒詩集九

一

陵城同又云禹導江至荆定泉源之穴以石室鎮之陷入地中掘之頗致雷雨又云石室中有物正上方銳下廣非木非土非金非石其紋如篆卽息壤也東坡曾感之賦詩後鮮有繼者

稽古黃熊承帝命九載未愈懷襄病妄思袁王托五行竊來息壤與水競豈知神子幹蠱功乃在疏排順其性羽山竄徙日就湮息壤漂流應無剩異代好事吁可怪強指石室相左證雕鐫旣仿後城邑唐虞那得從前定或言石室中有物形殊質詭難窮竟瘞埋不見誰折衷大氏其術近厭勝畚鍤所及輒風雨父老遺言要可聽鎮淮瀆鎖烏支兇開蜀峽挽黃牛勁山經豈必盡荒誕此種作爲由大聖後人未可誇神奇且與勤修隄防政



孫叔敖墓

皇覽以爲在江陵故城中白土里今沙市有大家如阜卽是俗呼爲越遊

冢又曰敖玉冢

城濮肆譎謀邵陵陳王命當時論伯業頗謂齊桓盛孫  
叔相芊莊後來知所鏡但擇楚令典已服陳與鄭大國  
信難圖未可輕決勝縱使快一朝禍將旋踵媵伍參實  
弄臣那能識遠矧奮其區區智刺舉晉帥病王心遂大  
惑遽改南轅令京觀雖未築怨毒已從孕他年呂錡矢  
射令共目逆迴憶指掬舟輕重豈相稱長子旣帥師小  
人戒干柄莊業遜齊桓坐叔用未竟閱今數千載此論  
孰與定高塚畱沙津往來咸致敬再拜陳此詞九幽其

稼墨軒詩集九

二

喜聽

絳帳臺

在城內西南巋然一阜傍臨池水上偃古樹如蓋舊傳爲馬季長教授之地今

鴉鳴鵲噪日夕不絕俗又呼爲老鴉臺

城南有崇阜灌木森噴既朝夕啼老鳥如聞發長歎詰  
鳥歎若何烏請以臆言漢季南郡君講室爾此間高居  
懸絳帳綵繚裁水執帳後充白絲帳前羅儒冠臯比一  
何嚴薌澤聞鬢鬢函丈一何肅嘈噴雜益弦盧鄭不屑  
顧諸生魂未安猶云此小節大德固有閑奈何頌西第  
操筆不汗顏西第頌尙可奏固無心肝呀呀言未已白  
日頽西垣我非公冶氏頗能竟其端譜之爲聲詩百世

宜鑑觀

石槽 在荆州府治內長一丈四尺寬二尺八寸高一尺四寸內深八寸口厚四寸舊傳為

壯繆飼赤兔馬者今以飼他馬輒病蓋有神護云

馬中赤兔人中布此語流傳疑謬誤馬能擇主歸髯公馬乃俊逸真如龍戰酣歸來日已夕肯與凡蹄同一櫪公也愛馬如愛人早斲山骨搜雲根審曲面勢憑巧匠製成寬博殊常樣飽爾石粟鳴蕭蕭陣上風雲出此槽令名文則皆披靡一心成功良有以公歸天上馬從行槽不能舉爰畱荆千年呵護有神力牽飼他馬馬不食吁嗟乎三馬同槽入夢中馬槽今日皆飄風

稼墨軒詩集九

三

鐵女廟

在城西偏明達王作碑云唐時有孫某監鐵冶之任坐事被囚其二女痛父冤遂投爐死化為二鐵人有司聞於上卒釋其父罪令二鐵人猶存

貞婦單化石孝女雙成鐵造物匪好奇將以勵風節已燎孰響邇未濯誰執熱如何揚鞞風同赴火爐滅姊豈妄摧殘妹豈輕毀折相顧各悲辛阿爺在縲繼欲脫簪珥贖曾無嘉肺設髮膚固宜愛天屬庸可絕深愧緹縈智敢諍干莫拙蹈此甘如飴萬一感朝列方謂饑饉中應如珥並裂詎料譴譴間竟比蓮同茁躍冶豈不祥寓形乃終吉大吏果以聞沉寃詔與雪廟食千百秋錚錚無少缺此事傳李唐定非天寶日響來必依聲影出莫

違臬不見貌與秦冶容方翹闕

天王寺古鐵

寺在南城外五里古鐵約數千斤志言宋岳武穆征揚州貯火藥於

此寺燬於火合諸軍器鎔成此鐵歷元至明沒宿莽中治人屢思竊去輒大雷雨不敢動順治

戊戌僧水鑑重建此寺移入寺中

臨安朝綱錯無數聚六州鐵莫能鑄百戰百勝岳家軍

不遣北驅遣南駐湖湘羣寇小跳梁偏裨馘之亦相當

乃煩我公駕舩艘天弧所射非天狼二聖引領悲窮荒

二聖悲猶可七陵怨最頗剷盡松楸若罔聞哀籲祝融

來降火賴袍絳幘光熊熊前飛朱雀後燭龍有劍不搃

烏珠胸

兀木譯改烏珠國朝

有矢不貫婁室瞳置之閒地塵埃

稼墨軒詩集九

四

封曷不一炬歸大鎔鎔成巨鐵藏羣鋒此鐵千年寄幽

憤雖托空王憤未盡人偶犯之雷輒窘鐵乎吾謂爾計

乖爾既如人憤滿懷何不飛去朱仙鎮打碎秦奸十二

牌

象鼻磯

在沙市上里許觀音寺前元至元間廉訪使賽因不花因岸形如象鼻加築駁

石以固隄遂稱爲象鼻磯又製尊勝石幢一於寺內寶塔前以鎮水患

蜀江西來幾千里橫齧江隄勢不已老象舒鼻與之爭

大波遠掣狂瀾徙從來象力誇陸行江頭蹲踞龍亦驚

錢唐破陣屏不舞隄乃屹立如金城象兮象兮爾莫測

斂形忽化長磯石馮之榘築有元臣磯不傾頽石不泐

鎮以摩雲宰堵坡攝以寶幢經梵多孰云無鉤不可制  
馴歸水渙常嗟峨吁嗟元臣功已善吁嗟我朝圖更  
遠君不見大防外網巨虹霓歷歷沿防九大件乾隆戊申六月  
江陵水溢命大學士誠謀英勇公阿桂湖廣總督畢  
沉大築萬城隍上下計八十餘里鑄鐵牛九分列隄上  
之鎮

撤公桅

公諱君錫字賓王絳州人爲荊州訓導  
崇禎十五年李自成陷夷陵荆門湖南  
巡撫陳睿謨渡江奉瑞王南奔城遂不守賊至  
公正衣冠坐明論堂罵賊不屈賊縛置旗桅射  
殺之前十餘年桅猶在公安門  
麗譙上土人咸稱爲撤公桅

一木難支大厦危一身足樹綱常維節使親藩誇疾走  
司訓卑官能爾爲西望夷陵突豕豨北望荆門張梟鳴

稼墨軒詩集九

五

守陴無人關四闕倏忽賊已登前墀整冠危坐何巍巍  
戟手厲罵何鬢鬢賊怒長繩肆細縛置之城頭百尺桅  
萬矢競射血肉飛萬目慘觀涕淚揮百餘年來桅已朽  
時見遺鏃出城基爾時賊亦躡吾鄉卒有抗節如解揚  
崇禎壬午張獻忠圍桐廬卒竇成爲所得脅令招降成  
僞許之二賊挾至城下成遂以賊糧乏外援且至呼告  
城上人賊磔之城根石賊怒磔之城石旁迄今陰雨跡  
上至今陰雨血痕宛然猶彰嗚乎石有磷泐木有折忠義之氣恒不滅

送慶輝亭山將軍調任西安

早識韜鈴壯初瞻壁壘新風雲常護楚旂旆更移秦綬  
帶思羊祜投壺想祭遵長安非日遠莫惜惠書頻

寄懷石甫

吾友張

聰咸

劉開

先後死眼內雄才惟賴子十年作宦

閩海頭往往循聲接吾耳衆中抵掌喜論事四七蟠胸  
吐奇偉焉知側睨有時人謠詠紛拏介茲起欲升輒墜  
可奈何信有人爲非天使抑塞大善發微勞上之已動  
九重喜吏議循格毋乃苛得還舊職由中旨嗟爾感  
激應何如捐糜頂踵淪骨髓懲羹吹齋自人情慎勿從  
流忘反爾憶昔小年同巷里往來日夕研經史張君俊  
邁霜前鶻劉君倜儻天上駢間於兩大子尤豪折馘執  
俘能入壘予維力孱甘退舍強屬橐鞬奉鞭弭秋酣月  
魄春花魂高躡巖椒卑礪涖共謂年歲長如此那識聚  
散有恒理張君博學徇世美肝腎劇鉢無時已卒隕其  
生殯燕邸劉君倒盡公卿屣名溢中朝身在鄙僚爾訃  
來清頰尾我從南北歌些只顛毛皚皚霜雪似子亦蹶  
躡風塵裏蹶而再起馳莫駛共圖合名保終始

周忠毅公

宗建

玉印歌爲裔孫石落

鶴立

明府作

玉印方寸溫且厲上鑄季侯周公字閱盡滄桑二百年  
文孫得自嶺海裔茄花當年未遍地委鬼未敢稱千歲  
奧窾之中只暗憑疇先發摘周忠毅人言如鼠不足忌  
公謂爲蛇莫可制一丁不識語刺心三木囊頭命遂致

當時此印腰間佩竟不與公同玉碎遠媿廬陵玉帶生  
近儕高邑鐵如意文孫文孫好胃糸恭肅倡前忠毅繼  
兩代擊邪無避畏恭肅公諱用爲忠毅公之曾祖曾請治中官黎安罪後澤貽雷  
永弗替何況文孫當平世纍纍若若功可遂良臣卽本  
忠臣志君家有美宜世濟

題石落所藏龍眠揭鉢圖卷

石落示我所藏龍眠揭鉢圖絹素完好無模糊審視精  
彩溢絹上當爲元明好手之臨摹贗鼎雖非岑鼎貴論  
價那便同康瓠道子筆妙不可得但得朱繇已悅愉幅  
長三丈博一尺描繪形狀怪可吁優曇石上結跏趺阿

稼墨軒詩集九

七

難卓錫迦葉孟天王努目奮戈杵晶熒一鉢拋路衢中  
有小兒手足拘是爲鬼母第九子愛根牢繫焉能除嗟  
爾鬼母攝食孩嬰千萬餘出爾反爾如斯夫假令五體  
投地服厥辜佛定慈悲開鉢歸爾拏胡爲一念嗔發不  
可以自制號召木精草怪鱗醜介彙毛妖羽孽奮臂思  
當車共穴而處如鷺躡跡而走如駢驢賁曳三足行  
跣跣戴一角舞躩躩或幻眉目憑鄂柎或化脛股從  
朽株或昇巨石擬扛輿或據枯查學乘桴鳴儔嘯侶待  
麾使鬼母威儀尤絕殊寶扇日月光華舒旌竿前導飛  
隼旛鳳冠翹首顛雙珠翟衣飾體颺五銖天然旋燼出

水葉左右夾侍十麗姝前後環繞八嬌雛大者及肩已  
兀兀小者在抱猶呱呱安忍一雛陷鉢內指揮羣魔併  
力爭前趨此鉢肩鑄有佛力揭之千辛萬苦費踟躕交  
植四柱縛轆轤長繩繚羣拽拏鼓聲淵淵邪許競失  
勢一斷同駭盱維手拮据口卒瘡斧破折缺齒折權智  
勇交廢販正途然後女羈男角均無虞降魔心苦嗟淨  
屠摹本猶能具髣髴爲想伯時當日解衣槃礴經營初  
還君此圖爲君謳我與君皆奉教儒忝爲民牧須求芻  
赤子懷保能遍無去害馬者盍勉諸薤拔大本莠並鋤  
制其要害降魔如此圖能與治道符張挂奚異銘座隅  
不然徒充耳目之細娛縱得真跡胡爲乎

稼墨軒詩集九

八

題劉梧孫

典樾

尊甫杏垞翁左挽書冊

四體勤並宣兩腕運皆可如何學把筆專以右承荷指  
拊無寡衆勞逸判水火豈其力未贍稽之功固夥執籥  
懷榛苓杖鉞致毅果牽犬口防齧持螯頤觀朶詩云無  
不宜此言非欺我胡獨遇散卓不前同足裹豈懼戒巧  
攬或憚衝寒墮能讓疑好德善藏如畏禍斯邈逮鍾張  
延緣莫迴柁咄哉杏垞翁曾次何磊砢含豪忽有悟解  
衣槃礴羸顧之軒渠笑爲劉盍袒左誨女知之乎人生  
在警情挈登翰墨場難容袖以坐馱馱強受勒猿狙乍

被鑿擾馴經幾時操縱纔能妥擘窠逞雄傑蠅頭較細  
瑣圓勁雖畫沙迅疾箭穿塚從此右軍譽左相擅亦頗  
韓碑書萬本相代不哀瘡惜翁具此長齋志埋堀堞克  
家有鳳雛會見署駁娑

觀我觀物詩 并序

曩在京師鮑覺生王楷堂兩前輩和張船山觀我  
四題曰生老病死觀物四題曰仙龍鬼蝶余牽人  
事未能共爲今來江陵石落明府從余借閱覺生  
詩集遂和八題並因仙及佛因龍而儷以象因鬼  
及怪因蝶而儷以蟬書冊見示余亦不禁棖觸依  
和十二章鮑王兩公皆不及見矣撫今思昔爲之  
惘然

稼墨軒詩集九

九

生

造物勞人是此途桑弧蓬矢憶懸初拋荒歲月難無忝  
撐拄乾坤始不虛幾輩貪來真似蟻阿誰舍去竟如魚  
電光石火須臾事那得讎恩未掃除

老

休期義轡返陽戈勿逐流光感逝波伏櫪有懷終蹠躄  
據鞍無恙肯蹉跎他蒲柳姿先隕信我桑榆景尙多  
洛下耆英如再會擬從末席唱巴歌



病

六氣從來不敢淫無端二豎忽相侵因之悟道緣非淺  
藉以偷閒味轉深已瘡漫勞歌杜甫愈風何待檄陳琳  
神完此日中堪恃笑却甘苓與苦參

死

到此纔能識故吾從人論定豈容誣文章可便成麟角  
事業何堪托鼠鬚不作閻羅終是懶未歸兜率總嫌迂  
爾時一事宜歡喜勘破輪迴有與無

仙

天漿餐咽記吾曾雲笈鑽研詎未能纔到蓬壺偏引却

稼墨軒詩集九

十

迴看雞犬竟飛昇世無大藥容相假古有長生不足徵  
寄語蜉蝣休擾攘逍遙終是讓鯤鵬

龍

惆悵函關紫氣空淒涼渭水大星終後來餘子皆蝦蟇  
那更爲靈托兩風劍躍津亡元渺渺杖投陂化亦匆匆  
乖遭割耳癡遭醢漫倚虛形媚葉公

鬼

精氣遊魂互變遷有無底事問重泉慚余骨相多三甲  
遭爾挪揄已十年哭甚悲哀緣作字使如臂指爲求錢  
高明不必勞相瞰屋漏時時見帝天

蝶

羅浮仙子骨玲瓏幻化南來種不同試問夢中依漆叟  
何如花裏活秦宮日薰香暖魂宜醉雨漬紅銷色是空  
辛苦滕王畱粉本年年似續賴東風

佛

縱令學道阻高堅肯傍空門托淨緣何肉周妻難佞佛  
愛河苦海或逃禪好花時亦拈來悟明月同教指處圓  
文字語言求解脫不知若箇得真詮

象

星精曾記散瑤光未許奇姿阻大荒競羨聲華依輦重

稼墨軒詩集九

十一

可知蹤跡渡河香生元有齒非關賄動本無鉤不礙狂  
會與天龍同蹴踏搏勢全力笑獅王

怪

會然溫帶照滄波更執齊諧費揣摩爲底書空常咄咄  
只緣見少遂多多虛言花月能成魅不信文章易著魔  
訊末求端將自滅世人其奈欲聞何

蟬

肯使泥塗久辱之條然今見出塵姿飲惟曉露心同潔  
吟遍清風響未遲搔首愧余方秃鬢彈冠喜爾正髡綬  
寒蠶埋砌蝸黏壁應羨居高得穩枝

絳雪堂

我昔饒州觀海棠蜀錦亭畔夜飛觴  
駒光飄瞥十五載又過夔陵絳雪堂  
前千葉紅梨樹曾辱歐陽好詩句  
故人幸有朱郎中勞慰時時從宴飲  
迴憶遺書疾指佞慷慨束裝作縣令  
因叅轉運感庭趨對此名花淚欲迸  
名花開落自一時名輩風流宛在茲  
書成絳雪懸堂廡還就前根續後枝  
惜哉到此春尙隔未覩傾城好顏色  
崇幹孤撐不著花轉見廬陵古遺直  
范公蜀錦舒共惜歐公絳雪消不得  
巴東水驛計幾程我欲更訪萊公栢

眼昏

稼墨軒詩集九

三

夙聞故老言眼昏四十四

里諺云四十四眼生刺

我年已過三了

不異童穉私喜秉賦優又矜葆養備從此涉期頤  
光明永不敝北仕逾十載南官周兩歲日下諸朋僚  
存問書

沓至裁答難屬賓口占枉召吏一一須自爲庶以達肝

肺十函已終晷急呼膏燭繼百情併一勞心煩氣強厲

縱橫赫蹠書紅燄屢搖穗精竭不自知眊眊生一睡朝

嗽已漉窻尙疑天未霽起披舊文史條訝字蒙昧反思

前日晨了了亦晰晰冰堅霜首飛雪集霰先墜不忿一

夕間昏明頓殊致或言腎水耗眸子乃障翳自念非登

徒床第久翫置又云飲酒多亦足爲目累邇來對杯錯

闌珊未成醉致此良因年撫躬發歎唱稍屏丹鉛業姑  
省文案事守黑能爲功生白從可冀

懷人詩

姚伯山 東之 大令

髯也不相見狂歌舊絕倫幾年漳水畔傳說政宜民百  
里才偏寄千秋意尙親好憑歸雁足一訛鬢如銀

潘芸閣 錫恩 河帥

君是金閨彥編摩出異書遺經傳岳瀆舊史辨河渠舟  
楫時堪濟宣防術未踈文襄看再出鄭白肯同譽

吳蘭雪 嵩梁 中翰

稼墨軒詩集九

三

相見嗟何晚頭顱雪已盈蕭閒今祿位烜赫舊詩名日  
下欣連巷 君寓上斜街西余寓下斜街北  
皆在宣武門西相距百餘步 江邊愧領城

香蘇金石調一讀一心傾

姚伯印 元之 侍讀

外家盛才彥于子合兄呼把筆矜三絕持衡遍兩都 君  
試陝西又 文章真報國勛業重爲儒杳杳蓬萊頂仙雲 君  
督學河南

望不孤

鄭芷泉 敦允 刑部

法家言具在君獨自誠明况乃叅稽苦從知比例精無  
疑方定讞有道亦矜情七載同書諾深慙附盛名

董琴涵 國華 太守

六詔承 恩遠雙旌按部雄 掣鯨曾海上 前守 萊州 騎象又

滇中 今守 昭通 花鳥紛紛狝山川 訪段蒙斑春知有暇盡攬

入詩筒

沈弱侯 欽表 學博

冷官聊自命豪氣未全除 白首仍耽酒青氈且著書 九

章窮奧窾一醉或欲獻 罨畫溪邊水期君共學漁

齊梅麓 彥槐 刺史

近聞籌海運抵掌百司間 初被疑虛誕旋因濟大艱 梁

溪曾駐棹同訪九龍山 忽忽星終紀知君鬢亦斑

稼墨軒詩集九

十四

金文波 洙 觀察

役役何為者循良故有真 如君多蘊藉那用苦風塵 豸

繡方持節牢益且算緡 兼攝長 蘆運司 蘇公門下士 君與余同 出李芝齡

師 門 珍重列晁秦

朱歌堂 雅 孝廉

海峰嗟沒世詩派盛樅陽 幾輩親承學先生晚擅場 六

朝叅綺麗七子應宮商 蚌老珠連出 晚年連 舉二子 窮愁會可

志

徐詠之 鏞 太守

海國懸孤島今時隸版圖 幾經誅反側終是賴涵濡 牛

續懷龔遂鷹鷗凜邛都故人堪辨此南望致區區

王可愚 若闕 侍御

往日居京國從君遂卜隣百觚同潦倒八韻鬪清新余寓

棗林時君寓海波寺街皆在宣武門東每晚相從爲試帖詩課別後間何濶秋來夢不

真 昇平封事少尺素莫嫌頻

陸少虛 堯松 刑部

君奉黔南使 乙酉 山川我舊遊 壬午 巖深堪房馬灘淺

每膠舟風俗猶淳古文章頗勁適當年迷五色珊瑚待

君收

劉次白 鴻翔 司馬

稼墨軒詩集九

五

三萬六千頃具區春水寬公家了塵務方外得奇觀此

筆矜高蹈斯才信大難淵源知有自 君學古文法於海

上更迴瀾

胡伯祜 昭惠 上舍

吾黨有畸士其才出不窮偶憑盧扁術時比范韓功放

浪齊州外悲歌燕市中紛紛誇入彀豈必盡英雄

張詩船 祥河 舍人

樞庭日趨直端勝鳳凰池七制裁成敏十行寬大宜閣

情吟芍藥餘力譜龜茲不獨早朝句才名動百司

王澹淵 慶麟 孝廉

澹公情古澹落筆澹塵襟試誦洞庭集君詩文集皆名洞庭如聞清廟音幾年悲潦倒一別感升沈引領東瞻海移情深更深

廖韻樓敦行給諫

終身無喜愠那用佩韋茲愧我生今日從君識古賢鼂書應獨擅時西陲用師蕭律憶同研勝侶春郊轡能無別與牽

左青陽德慧廣文

夫子吾鄉雋淒涼苜蓿盤早年共晨夕文旨劇清寒偶買胭脂畫終諧世俗難近聞孰奕數黑白倘齊觀

稼墨軒詩集九

六

郭蘭石尙先編修

會稽王內史豈願以書名可奈自怡悅偏邀眾品評蚬蛇人致諂雞鶩我無爭倘署凌雲榜霜鬣生不生

方竹吾遵獻明經

鄉里同徵逐名園性所便君家北墅盛竹木里中諸子常從聚遊此君良美矣之子更超然跌宕因山水踈狂托聖賢祗今一追憶如在綠雲邊

陳大冶世鏞孝廉

憶昔江亭上同登發浩歌詩成騫鳳鷗酒盡吸鼂鼃帝里仍連襪漁鄉更舞蓑青雲終許到莫便惜蹉跎

羅子信 尹孚 州牧 前知嘉興府 今知橫州

經畚恒有畔宦海渺無津逐逐強隨世硜硜尚守真  
通皆立命著述總如神瘴癘炎鄉重三時好自珍

胡竹邨 培翬 戶部

樸學名當代天都毓秀饒江汪宜竝席 雙池慎修 兩先生 程戴

亦聯驪 易田東原 兩先生 此外才難罄於今子更超曲臺家有

記繩武乃無祧 君祖樸齋先生 著有儀禮釋官

汪夢塘 云任 州牧 由番禺令遷 知歸順州

清辭兼麗句一往意纏緜治術還如此循聲故卓然惠

周遊士橐法盡島夷船 夷船響殺多不得主 各君至則不敢欺 聖化甄

稼墨軒詩集九

七

無外遷官豈恨邊

左匡叔 朝第 孝廉

故人何寂寞風雨掩柴門物理因貧盡天機賴拙存  
感時增意氣望古動精魂強擁臯比坐新知且故温

徐樗亭 珮 大令

斯才求祿養不敢厭風塵得宰佳山水還期發智仁  
天涯嗟獨立古道憶同親離索無勞感高堂萱正春



稼墨軒詩集十

桐城光聰諧立元

萬城隄口號

上磯磯立號楊林下磯磯立稱觀音更有黑窰挑水壩  
洪流逼去大江心

江流無碍始安流願與慈悲大士謀九級浮圖化長鏹  
隔江剗却窖金洲

穴宜填蟻洞填糶裏外撐幫總要寬高打石磯低著踩  
年年三汎報瀾安

竹編萬籠盛山石排比江干護岸虛最喜節交霜降後

稼墨軒詩集十

一

堤丁來報有泥淤

吳江周恭肅公畫牛小幅

濫溪溪上煙雨昏牧人自牧歸烏犍乘犍涉溪淪波翻  
鼻舉尾掉蹄沒痕中流流深幾及臀踞其背者如刺輪  
長脰下垂著短禪斯糾有笠風中掀回首顧後疑有言  
似招牧侶返柴門牛得夜同人夕殮白川尙書風節敦  
至方眷顧隆厥恩胡爲畫此思田園得無薰蕕不並存  
當路豺狼已肆吞明農有志終弗諼嗚乎明農有志終  
弗諼秦奚齊戚安足論

題石落匏葉龕照

裁十三管萃爲笙以匏攝之歌由庚先生新詩媿羣雅  
亦能鳴盛和其聲中流失船胥變色一壺在要千金直  
先生經綸未大施時亦濟人人戴德魏王大瓠五石餘  
廟堂樽俎焉用渠嗟余志廣才不副分應濩落安田廬  
匏瓜上天光四映繫而不食名難稱嗟余與世期飲和  
往往囁恥緣餅馨吁嗟乎擬匏有用君能堪擬匏無用  
我宜慙有用無用倘一視我請與君同此匏

青鐙課兒圖爲王霞九

贈芳

學使題圖爲周芸臯

凱  
觀察所作

秋夜寒鐙耿虛室織機聲裏吟佔畢吟過百回織一匹

稼墨軒詩集十

二

書中經緯布同密戒兒修業宜專壹願兒立身本經術  
幾年開窓雨瑟瑟幾年喧階蟲唧唧高奮天衢上捧日  
遠賦皇華屢乘駟短檠今此始含悲傳之更托文矩筆  
小人亦有母棄養之時年十七後雖忝科名未得一日  
歡承膝披君此圖首如疾念君所悲猶可述秘閣藜燃  
書散帙鎖院燭燒文待鷺凡此光芒萬丈長都自寒鐙  
一穗出阿母生前已慰悉

題張東崖

希呂

明府聽濤圖

刁調生衆籟清絕來長松翛然與耳謀恍若江海通廣  
陵濤撼地錢塘潮壓空偉觀隨所遇冥合將無同誰言

簿書內局促無雍容試挽銀河水一洗芥蒂胷不須跛  
脚彈天際真人逢雲將與若士邀君共御風

題周仲廉

向青

明府焚香省過圖

孔懷能自訟又稱勿憚改改過與訟過其端要有在男  
兒七尺軀日日叢尤悔苟非省以心豈不卽危殆如圭  
求類豐如肉索癥瘡求索意旣專濯磨功可待周侯不  
羈人曾次常磊磊小節疑弗拘潛修乃十倍晨昏瓣香  
蕤惺惺凜真宰想見幽獨中一念不自紿君家有孝侯  
折節名崔嵬殲蛟舟楫通殪虎藜藿探君今勇自治識  
堅氣不餒會見修名立流芬共千載

稼墨軒詩集十

三

又題梅驛探春圖

十里寒香寒且麗有客翩然裼裘至裘加鶴氅一品紅  
照耀幽谷生和風梅花舊日矜格瘦適從何來此邂逅  
和靖先生亦自嘲平生肥遯未占爻

共說梅花宜隱逸不道和羹賴梅實早年臥龍只躬耕  
晚追尙父攀阿衡豈無櫻鞵與桐帽偃蹇空山附高蹈  
披君此圖獨改觀知君欲爲洗寒酸

石落由江陵調任賦此誌別

吏治兼儒術平生識幾人鋒鏃才自好悃悃道方隣余  
亦蓬迎拙君偏臭味親誰令失賢意感喟欲沾巾

相遇忽相棄深嗟物不齊功名塞翁馬懷抱祖生鷄盛  
世難言隱前修况可稽早聞治縣譜誦遍皖江黎

君前署安

徽州縣皆有惠政

吟玷有飛將能當十萬師句堅從斫壘思銳欲搴旗夷  
險惟安遇榮枯總任時斯民關痛癢卷裏獨含悲  
四十髮已白于今眼更昏多君十年長德粹貌常溫璞  
玉知時重巖松識氣暄高吟秋圃句晚節好同論

石落過訪留飲署東茅亭歸賦七古二十韻見贈

依韻奉酬一首

東園綠陰漸成幕萬卉雖殘景不惡公家事了一開懷

稼墨軒詩集十

四

恍置此身在巖壑未肯誇豪谷飲崇那能稱道圃射嬰  
但期把酒細論文暫謝冠裳與帶博當關幸報佳客至  
倒屣旋呼大斗酌我輩方容禮法踈此時莫厭世情薄  
升沈宦海論且置馳驟藝園能豈索舉世競逐狂瀾翻  
何人解持燿火燭古來作者幾英雄邁往從之破垢堦  
急開新義兩拆苞務去陳言風掃蔞會心自可反三隅  
奢願終當窮九洛半生與世炭讐冰一旦逢君柄入鑿  
眼中突兀見經環紙上紛紜遺滓粕托根泰岱鞏不搖  
導源星宿遠難涸但得聲聞是小乘欲證清虛須大藥  
鄭竈一指豈屬屢齊雞千蹠堪調臍抱此區區恒鬱湮

爲君一一陳崖略新詩寵拜抵瓊瑤褒論榮加逾狐貉  
呼童重整玉闌干飭厨再洗金鑿落茅亭期君月夜過  
其聽繞池蛙閣閣

憶舊遊

當年勝侶共婆娑水泛山尋未厭多酒興狂來天欲問  
禪關悟透佛容訶輪囷膽並依霜鏢婉變詩爭付翠蛾  
此日遠離兼永訣一回追憶一悲歌

平定西域凱歌

上相揚威震遠方 欽頒經略大關防西人喪膽仍亡  
魄無敵將軍雙姓楊

稼墨軒詩集十

五

索倫勁旅發遼東越壘跳阡虎兕同弓影彎成青海月  
鞭鞘打退黑山風

雪山迢遞擁千峯冰壑凌兢阻萬重挾纊 恩深思敵

愾長歌飛度玉芙蓉

芻茭糧糗不嫌多運轉長塗速似梭關外名王齊效順  
五千敵觮五千駝

把族天教白帽愚螳螂結醜奮當車摧枯振槁凡三捷

絕漠風清大拂廬

萬馬分馳南北軍四城同日淨妖氛和闐玉種都依水

不似崑岡一例焚

勢蹙難爲虎負，峒途窮那免雉罹。學屠蘇到手，方遲飲已報前軍縛骨都。

白組牽來狀似豺，告成廟學好安排。梯航從此爭歸命，其凜凶渠戮藁街。

窮荒曩昔苦苛煩，總爲苞苴日到門。金不入懷馬去廐，藁裘稽首盡銜恩。

麩麩已種沃泉清，茶苾爭趨權稅平。商賈在途農在野，不分中外總生成。

吐綬雞熊掌

客有持此爲贈者，爲賦十二韻

稼墨軒詩集十

六

巴賫嗟僻陋物產，乃珍奇雞綬形。難見熊蹯味鮮知，羽毛皆特著食色。兩分資辨種還從，雉微祥未異羆其女。終弗秘有美示，諸斯稍出學翁子。全夷類戚姬吐深華，奪錦舐久膩逾脂。銜耀堪驚目肥甘，足朶頤避株元易躡。藏樹轉容規翅剪，鸚同怨身焚象其悲。仙翎高謝筴逸足，遠辭羈投贈因。棖觸山林本繫思。

題蔣葆存

烟

貳尹蔣邨草堂詩藁

蔣君杭越秀，篇什擅風流。頓覺東南美，難於竹箭求。日臨天目曉，潮湧海門秋。瓌異有如此，軒轅孰與收。

慧業依三竺，閎情托二松。蓬山雖恨遠，蒿徑豈容封。詩

學期於用才人慎所宗平生含意邈撫卷一傾胸

有感

蓼莪莫道最酸辛却歎綢繆只束薪  
岬岵來終未化山頭惟化望夫人

有會而作

試思束縛苦隨人何似縱橫任一身  
天外雲霞供點綴眼前花鳥鬪鮮新  
詞源好疊無窮浪藝海容探不盡珍  
斯道近來能大適不由棒喝悟偏真

我識前人未盡心千秋墜緒許追尋  
文章運會關隆替學術年時異淺深  
獨往獨來新換舊相讐相愛古猶今  
箏琶一任喧如沸不掩咸池韶濩音

稼墨軒詩集十

七

雜興

岸桃萬蕊紅嬉日池柳千絲碧  
裊風咫尺春光看浩蕩不須排仗趁城東

蝴蝶飛來迥自奇幽情偏與主人宜  
春花檻外繁如錦却過湘簾採折枝

吏散人稀鳥語繁幽花不灌自能蕃  
牆東雨霽餘斜照多少戎葵鵲踏翻

瓊階露冷猶遲桂幾斗風微欲墜蘭  
滿地彩雲融不散野花齊放矮鷄冠

醱醱蒙密栢森沈中有寒梅蔽綠陰不是馨香能自發  
主人終歲不相等

東湖道中

馬前忽見水雲光山寺浮圖接混茫五隴奇峰爭獻碧  
隔江倒影入陂塘

三遊洞

江過黃牛出峽口左來會者下牢溪溪上巉巖腹藏洞  
唐宋勝達咸攀躋我按圖經殷嚮往逆流泛舸同鳧鷖  
更盤危磴三百級彷彿天外陵丹梯右折下行見圭竇  
指示告我來關黎舊遊艱難從此進今緣巖額已成蹊

稼墨軒詩集十

八

從之十步豁開朗耽耽大廈捎虹霓前榮雲根屹成柱  
後寢天光透入閨上懸圓穴望不極頗類中雷稍偏西  
其餘瑣細不一狀因形命名那可稽紛紛走卒兼負販  
蝨名高下塗蜃鑿白蘇悵望泯遺跡洗剔尙獲南宋題  
紹興紹熙了可辨巖額有紹興壬申洛陽呂叔冀題名  
五十四字又有紹熙甲寅建安鄭即  
等題名六十  
四字皆完好  
乾道慶元半不迷  
洞兩壁上有乾道癸巳  
五十餘字又有慶元丙辰臨印常  
荆帥尙書葉公等題名  
季望等題名二十餘字多殘缺昔賢羣遊今我獨境  
過一往皆鴻泥山僧殷勤進蜀苻形神誓釋遺冠笄不  
可久留徑舍去城頭柝擊烏已棲

登岳陽樓



解纜戒鳴鉦乘舸逐水輕抗懷希勝賞托跡類微行城  
築蛇邱古樓從雉堞更圖經只虛募身到慰平生  
沙嶼連千頃糧艘集萬竿登樓春尙早未覽洞庭寬帝  
子何時降君山竟日看僊翁尙相識招我彩雲端  
南望指青草西瞻問赤沙早聞湖水盛滙合渺無涯柳  
毅容爲使楊么未許家澄清還自笑兩鬢已生華  
仲淹文伉爽孟浩句雄奇望古無能役憑高有所思江  
湖堪小隱舟楫具明時亦抱先憂意才踈愧監司

阻風

三日阻風洞庭口江心顛浪翻白狗戢戢巖岸三百檣

稼墨軒詩集十

九

舵老篙師齊束手初來迂道上巴陵各樓與客喜同登  
惜哉匆匆竟舍去歸臥舟中悔不勝早知此地應三宿  
洞庭儘可恣遊矚君山扁山齊笑人來何不速去何速  
舟子祭神雞作牲船頭拜跪鳴銅鉦乞得南風吹兩日  
高颿便卸武昌城

又絕句三首

寄言第五在荊州莫念兄公阻石尤布颿無恙人安穩

已出華容破冢洲

千里樓船阻石尤洞庭江口小淹留天公忽漫玉爲戲

一夕君山已白頭

江水悠悠只送春  
楚南名士會逢真  
樓船盡日牽篷望  
恐有持魚寄膾人

赤壁

赤壁緣江不一地  
在嘉魚者合形勢  
老瞞席捲乘勝來  
舍此不扼難爲計  
黃州夜遊有會心  
假借快事舒朗襟  
正如簡文出妙語  
悠然濠濮在華林  
周郎一炬摧強敵  
坡翁兩賦超凡格  
何妨文武各擅場  
江上分傳兩赤壁  
兵家形勢關存亡  
上游失據下難當  
不見後來橫鐵鎖  
未能一日拒龍驤

寄懷劉梧孫

稼墨軒詩集十

十

不嫌落度負狂名  
但願和光略近情  
往日一尊同泛蠹  
今年三月未聞鶯  
寄來尺牘皆堪弄  
別後詩篇孰與賡  
投贈有懷聊用古  
昌黎久已賦劉生

